

« Յղեաց առ նա զերկուս 'ի Լատին կրօնաւորաց , հարցանել զողջունէ նորա և ասել , բարեաւ եկիր ազաւնի քաղցր շղարեր ոստոյ ձիթենւոյ : Եւ նորա մեծարեալ զնոսա , գարձոյց պատուով՝ և արար պատասխանի առ Դեսպանն ասելով՝ հիւանդն զի՞նչ խնդրէ՝ եթէ ոչ՝ առողջութիւն , նեղեալն զի՞նչ , բայց միայն մխիթարութիւն » : Պարտ. Հայր. Հար. Գ. Երեւ 811 : Դեսպանն արար կոչունս (Յուն-վար 24) և հրաւիրեաց զերկոսին Պատրիարքունս , զԳրիգոր և զՅովհաննէս՝ հանդերձ երեւելի իշխանօք , և պատուով մեծարեաց զնոսա , և ապա ետ նոցա ընծայս , ըստ Հայր Մ. Չամչեան , երկու ոսկի ժամացոյցս , մին Գրիգորի և միւսն Յովհաննու , և մեկնեցան անտի խաղաղութեամբ : Իսկ Գրիգոր Պատրիարք փոխարէն ընծայից Դեսպանին տայ երկու գոհարազարդ մատանիս՝ մին տիկնոջ եւ միւսն որդւոյն : Եւ ապա յաւուրս Բարեկենդանի մեծի պահոց՝ վերստին անկաւ 'ի մահիճս . այլ 'ի դարմանելոյ բժշկաց եգիտ զառողջութիւն և յութեաց հիւանդագին յեկեղեցի Ս. Աստուածածնի՝ բառնալ զգթտութիւնս՝ որ 'ի պատճառս չնչին իրաց անկեալ էր 'ի մէջ Պատրիարքին Յովհաննու եւ Անթապցի Պետրոս վարդապետի՝ Գիւթիւր կոչեցեալ՝ նուիրակին էջմիածնի . թէսլէտեւ հաշտեցան նոքա առ երեսս , բայց վնասն եղեւ միջնորդին : Գուժեաց յանկարծ 'ի թագաւորեալ քաղաքի անդ մահ Սերրահամու Կաթուղիկոսի էջմիածնի՝ որ էր 'ի Թէքիրտաղէ , վախճանեալ 'ի Նոր կիւրակէի (1737 . 'ի 18 Ապրիլի) : Ի սմին ժամանակի եկեալ էին 'ի Կոստանդինուպօլիս Թովմայ և Մկրտիչ վարդապետք և այլք ոմանք . սոցա առեալ զնուիրակ Պետրոս վարդապետն՝ զնացին յԷսկիւտար առ Գրիգոր Պատրիարք . եկին անդ և իշխանաւորք Կոստանդինուպօլսոյ , և եղին առաջի նորա թուղթ ինչ բաղմակնիք՝ յորում հրաւիրէին զնա գալ եւ նստիլ յԱթոռն Հայրապետական , եւ նորա խնդրեալ 'ի նոցանէ պայմանս խորհիլ մինչեւ ցաւուրս երիս , և արձակեաց զնոսա : Ապա ասաց առանձին առ Յովհաննէս Պատրիարք և ցիշխանաւորս Հայոց , թէ այս երիցս անգամ եղեւ՝ խնդրեն զիս լինիլ Կաթուղիկոս ազգին , բայց անհնարին վարկուցեալ զերսն հրաժարեցայ՝ և արդ դարձեալ հրաժարիմ : Եւ զկնի երից աւուրց եկն յեկեղեցի